

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 55. zenbakia. 2000ko martxoaren 24a.

Idolaz Goienako bazkide egin da

Idolazek batzar orokor berezian hartu zuen erabakia

Martxoaren 9an egin zuen Idolazek batzar orokor berezia. Gaia bakarra zen: Goiena Komunikazio Zerbitzuak Kooperatibaren bazkide izan ala ez erabakitzea. Izan ere, Goienak datorren eguaitzean, martxoaren 31n, bere estatutuak legezkatuko ditu. Idolazekin batera, beste zortzi herrietako zortzi euskara elkarte egingo dute gauza bera.

Onartzen duzu Goiena Komunikazio Zerbitzuak kooperatiba sortzea eta erakunde horretan parte hartzea baldintza egokietan? Onartzen duzu Idolazek Goienako kapital sozialera beharrezkoa den diru-ekarpina egitea? Hori etxek biak izan ziren Idolazeko bazkideek, batzar orokorrean, hartu beharreko erabakiak. Horrekin batera, Idolazek Goienaren izenean sinatu behar denean ordezkaria nor izango den ere erabaki zen.

Goiena informazioaren arloan, Debagoieneko herritarren eta entitateen komunikazio-beharrei ahalik eta zabalaren erantzunaren dien enpresa da. Kooperatiba da eta bazkide nagusiak bailarako euskara elkarteak dira. Hori dela eta, euskara hutsean arituko da eta Idolazek hasierako inbertsio bat egin beharko du. Izan ere, Goienak hasiera batean, bailarako telebista batekin ekingo dio lanari. Gaur egungo Arrasate Telebista eta Aretxabaleta telebistaren azpiegiturak aprobetxatuko dira horretarako. Arrasate Telebistak dagoeneko hamar urte daramatza herri telebista bezala lanean eta Aretxabaletakoak, ia hiru. Hori dela eta, emisio zentroa Arrasaten egongo den arren, bailaran beste hiru zentro egongo



Hamabost lagun elkartu ziren Udaletxean, batzar orokorra egiteko.

dira: Oñatin, Aretxabaletan eta Bergaran. Eta azken hau da hain zuzen ere, Antzuolan gertatzen denaren berri jasotzeko ardura izango duena.

TELEBISTA LAISTER

Bergaran ziren hastekoak Goiena telebistarekin, baina azken orduko arazoak tarteko Gatzagak, Eskoriatzak, Aretxabaletak, Aramaiok eta Arrasatek emango diote hasiera GoiTBri. Mikel Irizar kazetari ezaguna da Goienako bateratzailea eta berak adierazi digunez, "maiatzean

hasi nahiko genuke emisioarekin. Oraindik zenbait gauza lotzeko dauden arren, Bergaran esaterako tekniko lanetan aritzeko probak egin genituen eta baita kazetari-aurkezle izateko ere".

Goiena telebistak dena den, papezko komunikabide bat ere izango du alboan. Herri komunikabideekin batera uztartu beharko den komunikabidea izango da. Hasiera batean aldizkaria izango da eta aurrera begira egunkaria ere izan daiteke. Horren adibide gisa martxoaren 13an, bailara guztian

■ ■ ■
GoiTB, Debagoieneko telebista,
maiatzerako martxan izango da
■ ■ ■

20.000 Goienkari banatu ziren, lantegi, egunkarietako kiosko eta abarretan. Hauteskundeen emaitzak jaso ziren bertan eta lehen aldiz, herri komunikabideek elkarrekin ateratzen duten lehenengo produktua ikusi ahal izan genuen.

UDALAREN LAGUNTZA

Antzuolako udalari, beste bailarako udal gutzietan bezala, laguntza eskatu zaio. Gure kasuan Idolazek egin dio udalari dirulaguntza eskaera. Izan ere, telebista martxan jartzeko hasierako inbertsioa egin behar da eta horregatik udalari laguntza eskatu zaio. Udalak momentuz begi onez ikusi du proiektua eta aurrekontuetan ere Goienari laguntza ematea aurreikusit du.

Horrez gain, Gipuzkoako Foru Aldundia eta Eusko Jaurlaritza bera ere, "oso interesaturik daude proiektuan". Horixe azaldu zuen Mikel Irizarrek, Idolazek batzar orokor berezian. Han azaldu-takoaren arabera "instituzioek euskaraz arituko den bailarako komunikazio zerbitzu hau oso positibotzat jo dute, izan ere, aurrera begira horrelako ekimen

gehiago sortzeko eredia sortuko da". Mikelek zioen bezala "behingoz bertsiotz orijinala euskaraz izango da eta inor ez zaigu beste hizkuntza batean gurearen berri ematera etorriko, eta hori oso garrantzitsua da".

EUSKALTELEN AUKERA

Euskaltel enpresak herrietan kablea sartzeko asmoa dauka. Hori horrela izanik, gure etxeetara ehundaka telebista seinale ekarri ahal izango ditugu eta Teledonosti (Donostiako telebista) esaterako, gure etxeetan ikusi ahal izango dugu.

Goiena telebista kablea iritsi aurretik emititzen hasiko balitz, Euskaltelek bere kablearen eskaintzan sartuko luke GoITB ere. Modu honetan, Debagoieneko telebista Donostian zein Euskadiko beste edozein herritan ikusteko aukera egongo litzateke. Baina horretarako lehenik eta behin emititzen egon beharko luke telebistak.

ESKAITZA ZABALA

Goienak, telebista eta idatzizko komunikabideez gain, irratia eta telematika ere ez ditu baztertzen. "Komunikazioaren garaian egonik, beharrezkoa da Goiena teknologia berrien esparruan aritzea. Irratian esaterako era digitalean lan egingo genuke eta bide batez, ordenagailuz erabiltzeko beste komunikabide bat ere izango genuke. Dena dela, hori oraindik aztertzeko dago eta lehenatasuna telebistak eta aldizkariak edo Goienkariak izango dute. Izan ere, herri komunikabideak eta Goienkaria nola

uztartuko diren ere erabakitzeko dago. Hori ikusteko udaberria garai ona da eta Goienak hilaren bukaeran bere estatu-tuak legeztatzen dituenean, aurrera egiteko moduan izango gara. Orduan, Idolazek 300.000 pezetako aurrekontua jarri beharko du Goiena Komunikazio Zerbitzuan eta hortik aurrera erabateko bazkide izango da, Debagoieneko beste euskara elkarrekin batera. ■

Goiena

Komunikazio Zerbitzuak

Herriko nesken futbol talde berria

Astelehenero eta ostiralero elkar-tzen dira Estalan. 15 eta 25 urte bitartean dute eta denak neska dira. Futbola atsegin dutela eta futbol talde bat eratu dute. Entrenatzaile lanetan David Diaz de Abetxuko bergararra dabil eta Arantzazu Kortabarría da laguntzailea.

Entrenamenduak arratsaldeko 19:00etatik 21:00etara dira, baina egunak aldatzekotan ari dira, jende gehiagok jokatzeko aukera izan dezan.

Urrian Debagoieneko beste nesken taldeen aurka jokatu dute, bailarako txapelketan.

Beraz, badakizue, futbolearen egitea atsegin baduzue, aukera bikaina daukazu iluntzetan Estalan!



Hogei bat neska ari dira futbol taldean.

AITZ-GARBI



taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51




Jose Gomez
Abad

Errekalde 6, 4-B. Antzuola
943 76 60 19
943 76 60 43

LEKU-BERRI MERENDEROA

Janariak eta edariak

Tf. 943 76 60 94

1.550 m² ditu eraikin berriak.

Dena gertu pabilioi berria inauguratzeko

Apirilaren 12an irekiko du eraikina Matzerrekak

Epeak bete egin dituzte eta apirilaren, aurreikusitako bezala, inauguratuko dute Matz Errekako pabilioi berria.

Orain dela bi aste hasi ziren bertan lan egiten, baina oraindik ekitaldi ofiziala egin nahi dute eta horretarako apirilaren 12a aukeratu dute. Mikel Agirrezabal kudeatzaileak esan digunez, Josu Jon Imaz, Roman Sodupe eta Antonio Cancelo gonbidatu dituzte, besteak beste. Izan ere, MCCko beste goi kargu batzuk ere jaso dute eta gonbidapena. Baina Matz Errekako langileak izango dira pabilioia inauguratzen lehenengoak. Eta hori apirilaren 8an izango da. Nahiz eta, batzuk dagoeneko lanean hasiak diren bertan, bai bulegoetan zein beheko lantokian.

Apirilaren 15ean, berriz, nahi duen edonork izango du aukera Matz Erreka bisitatzeko. Ateak zabalik izango dituzte

pabilioi berriaren 1.550 metro karratuak ikusteko.

Matz Errekak eraikin berriarekin ia 9.000 m²ko lurra dauka bere produkzioan aritzeko. Eraikin berrian automatismoen saila dago eta honela, orain arte lan arlo honek hartu duen tokia beste gauza batzuetarako erabiliko da.

KALITATE ZIURTAGIRIA

Matz Errekak QS-9000 kalitate ziurtagiria jaso berri du. Plastikoen sailari eman dio AENORrek ziurtagiria, zehaztasuneko, hain zuzen ere. Mikel Agirrezabalek azaldu digunez, Matz Errekak lan ona egin du zehaztasun handiko pieza teknikoetan eta azkenaldiko inbertsioak ere, sektore horretarako egin dira.

Autoetan eta etxeke tresna elektrikoetan erabiltzen dira gehien bat pieza hauek.

Okerrak zuzendu eta Antzuolako euskeran emon

1. Beste egunian zintz egin nitzan.

1.

2. Ni Mikelena gustatzen naiz.

2.

Izen-abizenak eta telefonua:



idolaz bertoko hizkeria
ANTZUOLA

Aurreko Kontuolako erantzun zuzenak:

1. Amama eta aittitta debalde jua dira Benidormera.

2. Ziburuetan ibilli zeinke.

Sarituak: Aste honetan, ez dugu jaso erantzun zuzenik.

Eskuman erantzunak idatzi ostian, moztu eta laga Antzuolako udal liburutegian.

DATORREN EGUAKITZA BAINO LEHEN.

Erantzun zuzenen artian 5.000 pezeta eta "Antzuolako hizkera" liburuen ale bat zozketatuko ditugu hamabostero.

Igor eta Txomin



Margoak orokorrean

ANTZUOLA
609 157 131

BERGARA
609 150 164



Euskal
sukaldaritza

Eguneko
menua

Kalebarren 7, ANTZUOLA Tf. 943 78 71 12

GOROSTI
Taberna

☎ 943 76 62 96

Zurrategi plaza ANTZUOLA



Herri jolasak antolatu ez diren arren, izango da aukerarik jokorako.

Senidetze eguna

Aihertarrak Antzuolara etorriko dira datorren domekan, martxoak 26. Egun osoko egitaraua prestatu dute berriz ere, bi herrien arteko elkartasun eguna ospatzeko.

10:30etan iritsiko dira eta hamarretakoa egingo dute Olalde elkartearen. 11:30etan orain dela hilabete batzuk inauguratu zuten Antiguako errotara bisita egingo dute. Jakingo duzueenez, Florentino Lamarianok, Antiguako garai batean martxan egon zen errota berriz ere martxan jartzea lortu zuen.

Eguerdian, bazkariaren aurretik, Uzarragara bisita egingo dute. Izan ere, domekan Uzarragako txirrindulari lasterketa egingo da, goizeko 10:30etatik aurrera eta 13:00etan helmugara joango

dira Aiherrakoak. Bazkaria 14:30etan izango da jubilatuetan eta herriko abesbatzak ere parte hartuko du bazkaria alaitzen. Gainera abesbatzako kideek kanten letrak banatuko dituzte guztien artean abesteko.

ANJEREN KANTALDIA
Anje Duhaldek kontzertua eskainiko du gaur, eguakitzan, zinetokian. Sarrera 500 PTA izango da eta kontzertua 22:00etan hasiko da.

UZARRAGARA IGOERA
Domekan egingo da Uzarragako txirrindulari igoera. Irteera goizeko 11:30etan izango da (ordua aldatuta). Gazte mailako txirrindulari lasterketa izango da.

ARROLAREN IRTEERA
Apirilaren 2an Aralarrera abiatuko dira Arrolakoak. Izen ematea, martxoaren 28an izango da, 19:30etan, Arrolaren egoitzan.

LITERATUR LEHIAKETA
Laugarren urtez egingo da Patxiku Txerren Literatur lehiaketa. Herrian jaio, bizi edo lan egiten duen edonork hartu dezake parte eta adinaren arabera hiru mailatan banatuta egongo da. Lanak edozein literatur generotakoak izan daitezke eta apirilaren 26a baino lehen entregatu beharko dira.



BALZERS-ELAY BILBOKO AZOKAN

Bilboko Makina Erremintaren Nazioarteko azokan erakustokia jarri zuen Elay-Balzars enpresak. Hantxe egon ziren astebetez euren produktuak erakusten. Guk Juan Tomas Garitano harriatu genuen Balzers-Elayren eraskutokian, bertarutzen zirenei azalpenak ematen.

zabalo
IGELTSEROTZA
Jose Luis Zabalo
Birgaitzeak • Fatxadak
Teilatuak • Sukalde eta bainu gelak
Kalegoi 9, 1a., ANTZUOLA. Tf. 943 76 60 89

HARIZKI
MUEBLES IGEA
Sukalderako eta bainurako altzariak
Altzari rustikoetan espezializatuak
Zurrategi plaza 4, behea ANTZUOLA Tf. eta faxa 943 78 71 80

LARREA
TABERNA
Kalebarren 17
ANTZUOLA